

獬狗經

吳月支國優婆塞支謙譯

佛在羅閱祇耆闍崛山中月十五日說戒時
阿難長跪白佛言今佛爲一切救開化五道
童蒙盲冥者使脫惡道佛般泥洹後留舍利
十二部經於世間當令諸弟子持佛威神傳
佛經戒開度人民授其戒法使人供養是爲
如佛無異佛言若有人從我弟子受戒而有
還嫉妬其師者是人當從惡道中來阿難問
佛何謂惡道佛語阿難過去佛時有獬狗還
噬其主前佛慈哀呪願獬狗獬狗見佛威神
即歡喜是狗今在泥犁中罪未畢佛般泥洹
後罪畢用前歡喜故更生入人道中從我弟
子受戒正當從作獬狗時至受戒狗有宿識
故還噬大家佛言若有人從師受戒還誹謗

教八

十五

說師惡者言非我行者如是爲如獬狗還噬
其主誹謗道師惡者宿命本是狗也阿難問
佛狗罪畢入人道何以故復還噬故大家耶
佛語阿難是狗得入人道持佛戒法有所教
授貪利供養愚癡不解便行謗說師故墮五
逆惡處佛語阿難諦聽佛當具爲汝說之阿
難言諾受教佛言有人持佛法戒行教人事
佛令入泥犁中者阿難驚起長跪問佛云何
教人當令得佛道何故更入泥犁中佛語阿
難汝信佛語不阿難言信佛語佛言汝信佛
語何故聞人受戒當入泥犁中驚爲若人不
入泥犁佛語爲妄阿難更起作禮頭面著地
繞佛三匝還接佛足長跪問佛阿難不解未
知人根願佛解之教人入泥犁意佛語阿難
後末世時有弟子作師情嫌不能勤學無有

